

« پریشان زلفووه لازمدی اینجی دیشلی بیرشانه »

ممرایله باشلانان غزلینه بیرونظیره

گل ای آرام جانیم، یوخ دها طاقت بوهجرانه
 گؤرورسن توش او اوب عاشقترین هجرینده افغانه
 نقابین کشف ائله، گؤستر جمال جلوه طوری
 عیان ائت آیتانی انا الله ابن عمیرانه
 آج اوزدن برقعین، والشمسی تفسیر ائله نور چلا
 داغیت تئل - تئل توکولموش طره طراری یان یانه
 عیان ائت محف رویون اورک لر شادمان اولسون
 گونوللر، ای گوزل! بو طول غیبتدن دؤنوب قانه
 سواد زولفون ائتمیش روزگارین تیره عشاقین
 سنی تاری! ظهور ائت، تار اولوب سنسیز بوکاشانه
 شب قدر و مالین بدر رخسارینلا روشن قیل!
 دونه اول بارقن له بیر گولوستانه بو ویرانه
 کوزی آغلار قالیب مینلرجه یعقوبون فراقوندا
 عزیزیم، رحم قیل یعقوبه، دؤن گل بیت الاحزانه
 دوشوب ماهور و دشته بی نوا عشاق شوریله
 —————
 —————
 —————
 —————
 —————
 کنار ائت چهره خورشیددن اول زلف شیریزی
 اوزون بو لیله هجری یثتیر ای ماه پایانه
 منیم آهیم محاق اولموش مه رخسارینا، ای مه!
 اولوب هاله او زولفون آهیم ایله ماه تابانه
 جهانسوز آهیمین جانا، شراریندان حذر قیل کیم
 نه تکجه ربع مسکون، قورخورام درپالر اودلانیه
 آسلیمش بیدق غم قلعه بخته، شها سنسیز
 اودوزدوم پاک تقد عمرومی لیللاج هجرانه